



25 Januari 2023

Ulangan

8:3



Manna Man Pangan



Lit sekalak bulang si nuan bibit mangga i lebe kesain rumahna. Asum ia ngerawat bibit batang manggana, mentas me sekalak perbapan janah iperdiatekenna kai si ilakoken bulang e. Nungkun ia, " erkai kam e bulang?" Nina bulang e, " sangana aku merawat bibit batang manga si ku suan gelah jadi batang manga si mbue kal buahna pagi." "Andeh bulang, maka repot nari kal kam nuan manga ena! Ntahsa labo pagi terpanndu buahna adi nggo galang pagi batang mangga e." "Aminna pe lanai bo kuidah ras kunikmati buah batang mangga e, mbera-mbera anak-kempuku denggo banci ngenanamisa kai si nggo kubenaken wari enda." Kai si ilakoken bulang enda e me nggeluh i bas kiniteken ras pengarapen. Asum bulang enda nuan bibit batang mangga si itekina maka pagi turah ras erbuah, e me kiniteken. Janah denggo batang mangga e reh galangna ras erbuahken buah si meramis ras entebu, e me pengarapen. Bage me penekanan Musa man bangsa Israel kerna kiniteken ras pengarapen. Kerna kiniteken, uga Tuhan nggo mulahi bangsa e i bas Mesir nari, numpak-numpak perdalanan kalak enda, pekena kegeluhenna i bas padang gurun. Aminna pe mbue kiniseran si inanami bangsa Israel e me tanda ujian man bana apakah tek ia man Tuhan janah uekenna perintahNa nta lang. E maka tupung bangsa e i bas kelihen pe, ibereken Tuhan manna, pangan si rehna i bas langit nari (megati ikataken roti surga). Aminna pe nina Tuhan erkelangken Musa maka regan nge Kata Dibata asangken roti si man pangan. Seri ras si ikataken Tuhan Jesus maka nina" lit kap tersurat i bas Pustaka Si Badia. Labo alu roti saja manusia nggeluh, tapi arah teptep kata si ibelasken Dibata. Roti terjeng mereken keselamatan kula ngenca janah keselamatan e terbatas kap. Tapi Kata Dibata e mereken keselamatan pertendin si la ermasap-masap kap. Janah pengarapen e me maka kai si Imani kita jadi me ras banci inanami kita. Bagi bangsa Israel si ibaba Tuhan ku taneh perpadanan, maka seh me ia pagi ku bas taneh si ipadankan Tuhan e.

Kata harapan aku tafsirkan sebagai iman, dan memang harapan tidak lain adalah keteguhan iman. (John Calvin)



Blank writing area with a light blue background and a wavy top edge.